

Izjava: Visoki predstavnik sastao se sa njemackim kancelarom

Visoki predstavnik, danas, se sastao sa njemačkim kancelarom Gerhardom Schroederom. Razgovarali su o napretku Bosne i Hercegovine u ispunjavanju zahtjeva, koji su potrebni kako bi se započeli pregovori o stabilizaciji i pridruživanju, i kako bi BiH postala član NATO-ovog partnerstva za mir.

Dvojica zvaničnika su naglasili važnost restrukturiranja policije u procesu stabilizacije i pridruživanja, te pozdravili dogovor koji su postigli lideri bosanskohercegovačkih stranka prošle sedmice. Visoki predstavnik je konstatirao da je ostalo još posla kojeg treba obaviti, te da konačni politički sporazum moraju potvrditi oba entitetska parlamenta.

Također su raspravljali o reformi Javnog RTV sistema. Usvajanje zakona kojim se uspostavlja jedinstven i ekonomski održiv Javni RTV sistem jeste zahtjev koji je postavljen u studiji izvodljivosti.

Osvrćući se na šanse BiH za članstvo u partnerstvu za mir, Visoki predstavnik je primjetio da je znatan napredak napravljen u transferu optuženih za ratne zločine u ICTY, ali isto tako da će se proces okončati tek onda kada Ratko Mladić i Radovan Karadžić budu u Hagu.

Također su razgovarali o vojnom angažmanu Evropske Unije u BiH. Njemačka daje bitan doprinos vojnim trupama prevođenim Evropskom Unijom.